



宛陵先生集目錄卷第四十二



八月十五日夜東軒

送楊辯青州司理

訪懷賢不遇



游隱靜山

路謠



書席語送馬御史

送李南玉

代寄鴨脚子

秋日家居

昭亭別施度支

潘歙州話廬山

秋日村行

吳正仲遺蛤蜊

送潘歙州

馬都官遺黃柑

梅詩

卷四十二

目錄一

酬惠柑子

懷新安潘侯

自和寄潘歙州

避為師和荅獻甫

送李逢原

重送李逢原歸蘇州

黃國博遺銀魚乾

三和寄潘歙州

送天台李令

饗昭亭神

和吳正仲冬至

施君挽歌

杜和州寄新醅

和荅正仲罷飲

送王景憲奉職

讀毛祕校新詩

送允從還廬山

和諸公尋重臺梅

再和正仲

嘉雪應祈

雪

三和戲示

四和正仲

詩

卷四十一

目錄二

宛陵先生集卷第四十二

宋宛陵梅堯臣聖俞著

八月十五日夜東軒

隔竹已見月清光  
度谿來移影上素壁  
與我相徘徊  
是夜正中秋  
天地霧露開  
人疑玉兔出  
藥杵不生埃  
嫦娥倚冰輪  
艷色若自媒  
它夕豈不好  
物意爲之摧

送楊辯青州司理

儒者服褒衣  
氣志輕王公  
一落該網中  
折節長

梅詩

卷四十二

夏三首共

俯躬山東多豪士  
片言不可窮  
青土饒嘉棗  
無以人鈍蒙  
彼知南楚輕  
強始必弱  
終矯志  
合其情  
乃是吾徒  
通行常問  
友生爲我  
舉杯空

隱靜山訪懷賢上人不遇

松上垂青蔓  
蒲根瀉碧泉  
高僧來不見  
却返五峰前

游隱靜山

心在名山久積歲  
未及遊將過  
值風雨路不通  
馬牛丁壯四五人  
監饗時更休  
轉谷逢烟火  
下

隰多田疇偃穠黃墜畝刈麻東盈丘姑覺山門  
深長松如騰虬直上百餘尺蒼髯葉脩脩五峰  
迎人來冷逼臺殿秋石泉出雲中引入舍下流  
緣源至崑口崑底魚可鉤天昏碧溪去果熟青  
猿偷草樹不盡識自起詩人羞濺漚水淺萬  
萼菖蒲稠菖蒲花已晚菖蒲茸尚柔靈根采九  
節試共野僧求逡巡能致之衰疾無甚憂昔聞  
有釋子渡江用杯浮樓心向茲地埋骨在林陬  
駁陰漏斜光徒欲窺巖巖還南陵郭幾落猛

梅詩

卷四

二

五

虎喉

路詠

五里十里銷磨盡千蹄萬蹄來往蹤古今不是  
不經歷踏破青山重復重

書席語送馬御史

天意漫漫物自供聞豈能至是喧聒野人割蜜  
不須盡留與寒脚作如冬

送李南下

小人貧於資君子貧於時小人富於貨君子富

於辭貧雖同寒饑富不同路岐彼富歿則已此  
富名不移丈夫事百變未死安可期明明趨財  
利莫卹前人嗤舉家如春蠶仰食不可遲况念  
宿債窘何愧賤士爲買臣嘗負薪相如猶滌厄  
君忌此二人信吾所不欺邇者有趙壹窮憤自  
興詩乘驥抱美玉樂與和未知友來鮮逢過後  
世無苦悲

代書寄鳴脚子於都下親友

予指老無力不能苦多書書苟過百字便覺筋  
攣拘京都多豪英徃徃處石渠作書未可周寄  
聲亦已踈後園有嘉果遠贈當鯉魚中雖聞尺  
素加餐意何如

秋日家居

移榻愛晴暉翛然世慮微懸蟲低復上鬪雀墮  
還飛相趣入寒竹自收當晚闌無人知靜景苔  
色照人衣

昭亭別施度支

昭亭送客地來徃四十年常視松端日并稽潭

烟風殘虎旗脚寒入牛童肩待訪名山去相  
期廬阜前

浙歙州話廬山

潘侯話廬山落落尤可伏初云江上來遠見雲  
中瀑捨舟到雲外觀瀑已崑麓往往逢平田攢  
攢愛深木竹門懸徑微源水陰藤覆坐石浸兩  
駸炎膚起芒粟夕陽穿萬峰高下相出縮尋常  
杳不分但被烟嵐畜絕頂水底花開謝向淵腹  
風力豈能加日氣豈能喚攬之不可得滴瀝空  
在擗夜昏投僧寺孤燈望溪曲忽聞清磬音漸  
近幽林屋止侯休多談已滿我心目懷游二十  
年夢寐今固熟何當借輕舸一往如飛鷺

秋日村行

谿霧晝又收山村夜初晦饑禽來往飛遠樹青  
紅碎原上楚牛童屋頭吳婦碓雞肥酒已熟野  
老邀同輩

吳正仲遺蛤蜊

紫綠常爲海錯珍吳鄉傳入楚鄉新樽前已奪

蟹螯味當日純美枉對人

送潘歙州

潘過宣城而送之

一見新安守便若新安江洞澈物不隔演漾心  
所降遠指治所山已入鄰齋窓捧輿登南嶺策  
馬懷舊邦養親將為壽傾耳抱王缸觀軍將勞  
士鬻肥堆羊腔下車談詩書上世擁旄幢勿窺  
淵游鱗無吠夜驚猿他日聞課第天下誰能雙  
馬都官有之惠黃柑荔枝醋壺

梁霜胡甘熟烘日荔枝美橘柚未為精葡萄安

梅詩

卷四十一

五

百五十九

可擬郭生始能賈魏文何謬比二果皆世珍乃

遺及賤士而復副醇醪或乞自諸已豈唯享遠

味終得為直矣

郭璞贊云較色橘柚精者唯其  
魏文帝詔云南方龍眼荔枝寧

比西國葡萄  
蜀石蜜

前以柑子詩鼎行之既食乃綠橘也頃  
年襄陽人遺柑子辨是綠橘今反自笑

之

昔辯荊州候今為越叟迷黃柑與綠橘正似瓠

瓠



新安潘侯將行約游山門寺予以潯淖  
遂止因爲詩以見懷

蒼山自爲門呀豁生鑄鏡路通石壁盡潦起田  
稼陷傍嶺有結廬潛潭淨於鑑聞之固欲往久  
雨濕泥濘莫陪太守車然諾豈証賺遙遙橋上  
去望望馬猶站畏滑不肯行非關惜鞵鞵

依韻自和送詩寄潘歙州

潘侯擅詩筆五色神授江世家有勳佐舜同  
厖降子孫逢太平少小事書憲源流本慷慨吐

梅詩

卷四二

八

五九

論皆經邦量猶函牛舄吾徒媿罌缸開口必典  
實省腹唯空腔作者過我門應笑無戰幢窮老  
在弊廬何異守戶狷有心希買交白璧無一雙

避爲師依韻答李獻甫

蛟龍養鬣鬣當在浩浩潯虎豹養文采當在魏  
巍岑我無太山高我無滄海深斗水與堆阜恐  
未慰此心

送李逢原

彌衡負其才沉沒鸚鵡洲李白負其才飄落滄

江頭後亦多效此才薄空羈囚文章本濟時反  
不能自周吾嘗戒吾曹慎勿異爾沅臧倉毀孟  
軻桓黜迫聖丘雖云推之天未免皇皇求吾今  
重子學無力薦公侯行當思吾言非教子佞柔  
重送李逢原歸蘇州

異客歸從楚霜華着馬蹄倦童持弊帚呼艇過  
寒溪寂寞區中飯依稀日午雞張儀猶舌在不  
必愧於妻

黃國博遺銀魚乾二百枚

梅詩

卷四十二

七

三百六

乾若會稽筍色比荊州銀熟宜煨栗火飲助擁  
爐人低陰欲飛雪酒微生頰熱海上使方來多  
饑不爲餐

三和寄潘歙州

昔固聞陸海今復有潘江文章吞時英光芒瞻  
星降爾雅曰降  
曼全婁也如游太室陽仰見王女窓高才  
生大國試政來遠邦道傍一相顧水壺臨瓦缸  
逸驥美豐肉老癯慙瘦腔藻詠荅下俚王鈐鏘

質墮尋言不悟言自笑趁塊狁終知將門豪射

鵬常貫雙

送天台李令庭芝

吾聞天台久未見天台狀去海知幾里去天知  
幾丈峰嶺隱與出壘壑背與向雲雷友在下泉  
瀑友在上幽深無窮窺杳眇無窮望至險可憐  
慄至怪可駭喪石橋彎長弓跨絕絃未放當時  
白道猷平步入青嶂去爲六百石亦見志所尚  
子欲廣異聞可以一尋訪

十一月十二日賽昭亭神

梅詩

卷四十一

八頁三

冷雨疑雪未成雪潭空魚寒歸石穴長篙扣穴  
倩鯉魚寄信山頭來奠設魚傳水鳥飛上山山  
大槎槎乾吹咽旋灰起角巫鼓鳴漾俎銅盤顛  
牲血瑟瑟嘈嘈神降言福汝祐汝無災孽西向  
啐飲東向迴溪心却望山崔嵬

依韻和吳正仲冬至

流光冉冉卽衰遲物趣迴還似轉規長景已知  
今日至孤懷不比少年時阻陪上閣鶯鸞後且  
與南州父老期况有春禾新酒熟百分休放手

中卮

施君挽歌

哀鐸悽悽裏銘旌杳杳中  
澗雲銷總帳山雨入  
蒿宮世路行來久泉途去莫窮  
素吟應共葬飲韻在松風

杜和州寄新醅吳正仲云家有海鮮約  
予携往就酌逡巡又云幙中有會且罷  
此飲

淮南寄我王醅酒白蚶海月君家有欲持就味

梅詩

卷四十二

九十一 齋

二百十一

明日期窮羹易覆已反手從事開筵不可辭燕  
脂秀臉羅前後長頸善謳須騰謳只恐老來歡  
意休

依韻荅吳正仲罷飲

若辭予家傾蟻醅自有嘉味須持來青篾絡  
方出戶紅妝侑席已邀杯窮愁一飲猶關分側  
望群賢不可陪靜坐紙窓無所得只將文字眼  
前推

送王景憲奉職

清羸將家子苦節自寒儒四壁我何有一錢君  
亦無下灘船亦急聞鴈日將哺行愛青山日人  
烟事網罟

讀毛祕校新詩

毛公明於詩其系宜善續前示五長篇大須傾  
幾曲豈特元和間欵唾成珠玉

送允從上人還廬山

山高雲在下諸壑藏半空千重萬重兗正望落  
日中不知野僧歸石徑寒易通松間無人掃墮

梅詩

卷四十二

十一

葉如斷髮獨行逢莫寒衣裂溪上風

依韻諸公尋靈濟重臺梅

梅要山傍水次栽非同弱柳近章臺重重葉葉  
花依舊歲歲年年客又來雖愛千枝競繁密還  
嗟短髮已衰頽郎官博士畱車騎擁蔽修篁爲  
碩開

和正仲再和罷飲

吳味期君強飲開楚醅因我破愁來何言合美  
將虛館却憶爭妍就捧杯夜霰已先庭雪集單

衣難與毳裘陪踐盟幾欲驅車去塵事無端日  
日堆

和韻三和戲示

客筭盡蛤瓦缸酷海若淮壖各寄來將學時人  
鬪牛飲還從上客舞娥杯蓬蒿自有蔣生樂珠  
翠寧容鄭氏陪莫計寒暄與風雪古來黃土北  
邳堆

鄭康成與盧子幹同事馬融後  
堂有珠翠之會康成不得預焉

喜雪應祈呈權郡通判

臘近冬殘雲未合江南青蠟麥休肥誰將太守

梅詩

卷四十一

十一

隨車雨一夜從風作雪飛

依韻四和正仲

四和還如九醞酷更醇更美未嫌來相逢莫作  
兩般眼一飲不辭三百杯嵇阮當時無俗慮山  
王雖貴亦能陪如今世態尤堪薄只把官資滿  
眼堆

袁紹飲鄭云白旦  
至暮三百餘杯

雪

朔雲生晚雨臘霰集狂風不數花多出安知天  
更工漫階夜已積萬物曉初蒙誰憶新豐酒乘

鹽潮水東

卷四十一



宛陵先生集目錄卷第四十三

和郭祥正見懷

採石月贈郭功甫

和郭秘校苦寒

和郭秘校偶作

送功甫還青山

送鄧生

送才上人

樂掾子示新詩

曹虞部浩然堂

紅梅篇

和正仲見招

寄送吳通判

正仲求紅梅

初聞蛙

百舌

萬表臣報梅

梅詩

卷四十三

目錄一

五十五

隱靜山寄樹種

補題善惠禪齋

送萬殿丞虔州

野望

泛溪

春陰

新燕

梨花

新筍

海棠

正仲遺蟹

老馬

自詠

鸚鵡

曉

朝二首

宣州雜詩二十首

打鴨



暝

東溪

香鑪

送白珙秀才

獻甫過

夜

呂大監餉鯨魚

茶磨

送閻丘殿丞

卷四十三

目錄二

宛陵先生集卷第四十三

宋宛陵梅堯臣聖俞著

依韻和郭祥正秘校遇雨宿昭亭見懷  
君乘瘦馬來骨竦毛何長下馬與我語滿屋聲  
琅琅一誦廬山高萬景不得藏出沒望林寺遠  
近數鳥行鬼神露怪變天地無炎涼設令古畫  
師極意未能詳誦說冒雨去夜宿昭亭傍明朝  
有使至寄多驚俗章

郭來誦歐陽永叔廬山高送劉復

採石月贈郭功甫

梅詩

卷四十三

一方

三七六

採石月下聞謫僊夜披錦袍坐釣船醉中愛月  
江底懸以手弄月身翻然不應暴落饑蛟涎便  
當騎魚上青天青山有家人謾傳却來人間知  
幾年在昔熟識汾陽王納官貫死義難忘今觀  
郭喬竒俊郎眉目真似攻文章死生往復猶康  
莊樹穴探環知姓羊

依韻和郭秘校苦寒

噫風鳴悲鳶鳴哀雨霰枯木爲之摧昭亭山頭  
野火滅海水夜凍迷蓬萊燭籠以爪自掩耳酒

蠶生冰拈不起陶潛棄官屋無米兒嚔妻啼付  
隣里

依韻和郭秘校昭亭山偶作

知君棄官後江上尋名山心旣慣世內迹欲還  
人間昭亭忽來過覽古興長歎野寺拂塵壁丹  
陽已爛煇殿角虛寶鐸微風聲珊珊遺像與筆  
蹟始得觀裴顏淺井何泠泠前溪何潺潺幽幽  
隨猿鳥渾渾忘區寰裂裳不爲媿餌芝不爲難  
坐對寒雨中松上孤鶴還

梅詩

卷四十三

二方

二百六十一

送郭功甫還青山

來何遲遲去何勇羸馬寒僮肩竦竦昨日棄爲  
梅福官扁舟早勝大夫種負經不歇關山遙訪  
我猶將歲月恐得言會意若秋鷹反翅歸飛輕  
飽飭明朝到家年始開椒花壽酒期親捧何當  
交臂須強行莫作區區事丘壠

送鄧生

哀哀彼鄧子扶柩歸長沙朝暮哭失聲驚聒墻  
上鴉飛去復飛還相與棲水涯上葬不當緩早

晚能到家

送才上人還雪竇寄達觀禪師

春雪滿菴笠海邊先誰鳥歸千林新改葉百衲舊  
來衣谿水從何至山雲自解飛報言巖下客齊  
鉢筍應肥

樂掾自淮南廻示新詩

淮南歷覽還宣城囊多嘉句何水清入門先叫  
十年兄袖中大卷持來評我雖暗愚眼不盲要  
識合如劉長卿舉頭不言笑且驚此兄議論頗  
稱情我亦感君知我名阮籍從呼作老兵

蘇州曹琰虞部浩然堂

姑蘇臺上麋鹿豪夫差城中樓觀高荒榛盡已  
付明月萬古憤怒空秋濤吳亡越霸能幾日後  
世擾擾猶鴻毛孟軻善養浩然氣充塞天地無  
饑磬慕而爲堂亦有意不學屈子成離騷

紅梅篇

昨夜輕雷起風雨芍藥紅牙竹欄土南庭梅花  
如杏花東家殘朱塗頰酺萼爲裳衣藥爲組枝

爲高居翰爲戶蛺蝶未生蜂未來亦身掩斂  
金縷終然有子當助傳說羹落亦不學飛燕皇  
后迴風舞此意又笑麻姑與王母勾引何人擲  
麟脯是非方朔謾漢武只知此桃不知語樹不  
着口數而今言之已莫補放我渾丹鳳皇羽

依韻和吳正仲開重梅已開見招

難開密葉不因寒誰翦鵝兒短羽攢猶是去年  
驚目艷不知從此幾人觀重重好藥重重惜日  
日攀枝日日殘我爲病衰方止酒願攜茶具作  
清歡

梅詩

卷四十三

四

九

百八

寄送吳公明屯田通判秦州

一聞春禽婆餅焦竹林山木生蕭條憶君將向  
洛門去胡馬無塵塞路遙將軍本是漢丞相玉  
帳坐辨牙旗梟白面書生有肝膽少年曾遇咸  
陽橋今雖老病由廬巷爲報緩制秦兵驕

吳正仲求紅梅接頭

君家梅溪上但見梅花白我家家樹紅求枝寄  
歸客翦接如交情本末不相隔明年舉酒時醉

頰生微赤

初聞蛙

朝開南籬梅暮開北池蛙何時科斗生草根已  
吐牙只畏草葉長其下可隱虵游子且勿行科  
斗成蝦蟆

百舌

一冬常噤默乘春何多舌蒼毛無文章尖喙苦  
騰說曉升高高樹百鳥言漏泄只未聞鳳皇有  
亦學不徹傷哉古辯士往往遭車裂

梅詩

卷四十三

五

三十一

萬表臣報山傍有重梅花葉又繁諸君  
往觀之

前時見多葉曾何數尋常今見葉又多移賞南  
澗陽寄言莫苦恃更多殊未央

去臘隱靜山僧寄樵樹子十二本栢樹  
子十四本種於新墳

栢栢移皆活風霜不變青冢垣雖闕寂田客每  
丁寧不待爲書几常流作鬼庭東邊爽路少更

致儻能令

香象

血白石臺上公金印去三子玉

駒來心

明無寶境埃世人丁

為一

送

虔州安遠軍

新雷動江

向響溪巖逆水送行客順催

挂帆過山

團飯與烏衙太守

防有嫉讒

野

梅

卷四十一

六

新晴宜野望最愛是山前  
逐近花兼竹高低水  
拍田呼名鳥無數問姓客多年  
此地春耕晚吳  
牛樹忘眠

泛溪

中流且平舍櫂任船行  
雁立已遙村

覺橫何妨舒櫂滿  
不畏晚  
為買江羅二愁

多未適情

春

雲壓花屏  
夕風

眠時欲雨天無雨將絲鬢未絲孔融過五十歲  
月已堪悲

新鷺

前時春社畢今日鷺來飛將補舊巢缺不嫌貧  
屋歸嚙泥和草梗側翅過柴扉豈比鷺丸雀迎  
人欲拂衣

梨花

處處梨花發看看鷺子歸園思前法部淚濕舊  
宮妃月白鞦韆地風吹蛺蝶衣強傾寒食酒漸

梅詩

卷四十三

七

一百九十一

老覺歡微

新筍

挑筍春雷後晴坡過雨時何言江外早已比洛  
陽遲園客自偷賣主人那得知徒令養新竹待  
與作藩籬

海棠

要識吳同蜀須看線海棠燕脂色欲滴紫蠟蒂  
何長夜雨偏宜着春風一任狂當時杜子美吟

偏獨相忘



二月七日吳正仲遺活蟹

年年收稻賣江蟹二月得從何處來滿腹紅膏  
肥似髓貯盤青殼大於盃定知有口能噓沫休  
信無心便畏雷幸與陸機還往熟每分吳味不  
嫌猜

老馬

馬御史所留

吳人惜燕駿燕馬卧吳家毛骨從前貴關山欲  
去賒草深閑楚澤力盡憶胡沙御史乘來久時  
逢避路騶

梅詩

卷四十三

八

二百

自詠

閉戶無還往端居廢禮容花爲貧富醜鷺是舊  
過從持屐對人蠟綻不看婦縫非同叔夜傲切  
莫怪踈慵

鸚鵡

一人秦宮去千山隴樹秋能言依婦女學語類  
俳優玉鎖閑拘束金籠不自由哀良是黃鳥死  
爲穆公羞

曉

鳥蟾不出海天地無明時萬國睡未覺一聲雞  
已知樹頭星漸沒枝上露應垂人世紛紛事勞  
勞只自爲

朝二首

鶯鳴出欄去兒童臨水驅欲開花滋露聚噪鳥  
窺厨秣馬刈青草買薪嫌五銖錢刀豈今古村  
叟一何愚

木鐸初開水上城竹籬深閉日光生青苔井畔  
雀兒鬪烏白樹頭鴉舅鳴世事但知開口笑俗  
情休要着心行是非不道任挑撻唯憶當時阮  
步兵

梅詩

卷四十三

九

三

宣州雜詩二十首

昭亭萬仞山古廟半山間賽雨使君去釣潭漁  
父閑歲肥巖向日竹暗壠連關北望高樓上南  
飛鳥自還

三洲灘口急兩水渡頭來下過

洲聖

桓彝宅上

通嚴子臺潺湲瀉寒月泥濘照春梅白鷺覆馬起  
處魚多見底廻

一過響山畔常思路中丞開亭宴貔虎制賊象  
冰蠅舊刻多磨滅今人少有稱茸茸春草長時  
有牧牛登

伍負奔吳日蒼皇及水濱彎弓射楚使解劍與  
漁人抉目觀亡國鞭尸失舊臣猶爲夜濤怒來  
往百川頻

每見昭亭壁高瓌筆墨存丹青虛格裏雲霧碧  
紗痕鳥屎常愁污蟲絲幾爲捫貴來曾改觀世  
故有誰論

梅詩

卷四十三

十一

三十四

信讒多見逐伐國豈無仁屈子行江畔昭王問  
水濱包茅曾責貢香草自持紉莽蒼山川在漁  
歌屬野人

項籍路由此力豪聞拔山八千提楚卒百二破  
秦關

咳下圍歌合江頭匹馬還却思諸父老相見亦  
何顏

細雨春岡滑無因駐馬蹄裘單懷後侶風急過  
前溪近寺聞魚鼓穿林聽竹雞田家春正急炊

飯待鋤犁

古有琴高者騎魚上碧天小鱗隨水至三月滿  
江邊少婦自撈擁遠人無弃捐憑書不道薄賣  
取青蚨錢

諸葛又精妙已能聞國都紫毫搜老鬼蒼鼠拔  
長鬚露筦何明淨煙九事染濡班超投此去死  
作玉關夫

大實木瓜熟壓枝常畏風帖花先漏日噴露漸  
成紅青箬包山舍馳心奉漢宮誰將橐駝載辛

梅詩

卷四十三

十一

五十四

苦向驕戎

竿頭注腐鼠水次野蜂知每視銜飛翅因薰劓  
取俾絳囊千里道乾螭百鈞馳盡入公侯第雕  
盤助酒卮

高林似吳鴨滿樹蹠鋪鋪結子繁黃李炮仁瑩  
翠珠神農本草闕夏禹貢書無遂壓葡萄貴秋  
來徧上都

烏命若楊葉夜棲雞翼間情知羽毛薄自禦雪  
霜難相託爲溫燠終非學附攀猶勝居鷓憂

懼得生還

柳子厚龍說云

高齋謝公歿此地卽危樓不改窻中岫無停川  
上丹壁陰綠薜荔城暝笑鶴鷗萬井曉煙合素  
霓橫樹頭

北客多懷北庖羊舉玉卮吾鄉雖處遠佳味頗  
相宜沙水馬蹄鼈雪天牛尾貍寄言京國下能  
有幾人知

五月黃梅肥終朝密雨微綠苔侵竹閣潤氣裊  
人衣背隴霑牛去嚼蟲濕鷺歸高山發瀑水夜  
漲入吾扉

梅詩

卷四十三

十二

三十五

斫漆高崖畔千筒不一盈野糧收椽子山屋點  
松明只見樹堪種曾無田可耕兒孫何所樂向  
此是平生

傳道零陵守茲亭暫解裝分羣同鴈鶩幾日到  
瀟湘斑竹思虞舜潁萍憶楚王殷勤吏部句今  
亦誦無忘

宛水過城下滔滔北去斜遠船來橘蔗深步上  
魚蝦鷺美冒椒葉蜜香聞稻花歲時風俗美笑

殺其鄉槎

打鴨

莫打鴨打鴨驚鴛鴦鴛鴦新自南池落不比孤  
洲老禿鶴禿鶴尚欲遠飛去何况鴛鴦羽翼長

暝

杳杳鍾初發昏昏戶閉時巢禽投樹盡疲馬入  
城遲醉唱眠茆屋燒光透槿籬荷鋤休帶月亭  
長豎毛眉

夜

梅詩

卷四十三

十三

一百九十一

日從東溟轉夜向西海沉羣物各已息衆星燦  
然森蝦蟇將食月魑魅爭出陰阮籍獨不寐徘徊  
起彈琴

東溪

行到東溪看水時坐臨孤嶼發船遲野鳧眠岸  
有閑意老樹着花無醜枝短短蒲茸齊似翦平  
平沙石淨於篩情雖不狀住不得薄暮歸來車  
馬疲

呂大監餉黃魚十尾

日暖楊花四散開江邊鯊魚無數來伊魴洛水  
不堪憶丙穴漾波何可哈賀監休思鏡湖去應  
知李白跨鯨迴

香鑪李獻甫惠

鐵鑄小香爐壁環平口鋪麝焚葵葉大獸齧竹  
根跌淨几羣書外閑堂一物無中間任灰燼終  
與蕙蘭俱

茶磨二首

楚匠斲山骨折檀爲轉臍乾坤人力內日月蟻

梅詩

卷四十三

十四方

三十一

行迷吐雪誇春茗堆雲憶舊溪北歸唯此急藥  
臼不須擠

盆是荷花磨是蓮誰龔麻石洞中天欲將雀舌  
成雲末三尺蠻童一臂旋得自三天洞吳氏

送白珙秀才

谿上桃花發山前桂舸移水流過峽急風逆出  
江遲南國魚蝦馱東都夢寐思逢人若有問不  
似在朝時

送間丘殿丞

每有西歸客誰無滿袖詩都忘將別意競媚向  
官資憑在屋頭月照君牆上旗不同山一定更  
遠更相隨

獻甫過

幾樹桃花夾竹開阮家閭巷長春苔啓扉索馬  
送客出忽覺青紅入眼來



寄維揚許待制  
紫微亭

聞臨淄公薨  
吳正仲遺二物

和張主簿見贈  
送正仲婺倅待闕

再送正仲  
鐵櫪

送回上人  
送徐尉罷任歸

志來上人寄醪醖  
聞鶯

杜鵑  
和李察推留別

送李節推  
新開墳路

梅詩  
卷四十四  
目錄一  
鐙  
一百五十三

送鄒秀才游浙  
張十遺牡丹

和唐彥猷十詠  
李獻甫遺椰子

時魚  
烏賊魚

和行之枇杷  
和行之紅梅

送王尉罷任歸京  
南陵息亭藻閣

讀問月  
雨中飲

和季野游山門寺

宛陵先生集卷第四十四

宋宛陵梅堯臣聖俞著

寄維揚許待制

當時未叔在楊州中秋待月後池頭約公準擬  
與我敵是夜二雄張利矛我時小却避其銳風  
愁雨怛嫦娥羞主人持出紫石屏上有朏臆桂  
樹婆娑而枝虬作詩誇詫疑天公愛惜光彩向  
此收四坐稽顙歎辯敏文字響亮如清球更後  
數日我北去相與送別城門樓誰知康成能飲  
酒飲三百盃不休雞鳴各自便分散山光寺  
側停畫舟我來謁公公未起卧索大白湏扶頭  
而今倏忽已八載公領府事予居憂歐陽始是  
玉堂客批董草詔傳星流問公可憶羊叔子雖  
在軍中常緩帶而輕裘寄聲千里能信不

紫薇亭

在池州

江雲如旗脚墨點飛鴈行平圃采芳菊上水酌  
桂漿爲言此何時杜子逢重陽醉思莊生達哂  
岐齊景傷至今孤亭間獨有九日章昔我來齊

梅詩

卷四十四

一

卷四十四

山山僧迎道傍騎馬到寺門亂石屹蒼壁值雨  
不徧歷但取山泉嘗牧之舊游處苔滑屐莫將  
却返弄水泥隔溪望青蒼絕頂見茅屋洪波日  
湯湯雲霞與鴈鷺還動秋容勝去逾十五年游  
宦韓陳梁哀哀遭禍殃乃再居南方欲往尚未  
可追吟寄支郎

聞臨淄公薨

至和癸巳十二月兮友人語我火犯房芒射鉤  
鈴而拂上相兮禍非弼臣誰可當昨日聞太宰

梅詩

卷四十四

二

三十一

悟天道而畏忌兮歸卧其第三拜章太宰既不  
得請而賜黃金百兩以爲壽兮諫官御史猶擊  
強明年孟陬臨淄公薨兮果然邦國撓棟梁豈  
無神醫善藥以起疾兮固知稟命有短長公自  
十三歲誦先帝兮謂肖九齡宜相唐後由石渠  
鳳閣禁林以登樞兮俄佩相印居廟堂出入藩  
輔留守兩都兮其民詠歌盈康莊官爲喉舌勲  
爵一品兮經筵講義尊藩匡年踰順耳不爲天  
兮文字百卷存緘箱子孫怱怱同鴈行二女貴

婿富與揚未知歸葬何土鄉臨川松栢安可忘  
我爲故吏摧肝腸灑淚作雨春悲涼精魄其歸  
於天乎必爲星宿還高張骨肌其歸於土乎必  
爲蕙芷不滅香墓碑墓銘誰能盡其美我爲欲  
傳萬古湏歐陽

吳正仲遺二物詠之

金盞子

鍾傳令公謂之醒酒花

鍾令昔醒酒豫章留此花黃金盞何小白玉梳  
無瑕始入吳郎宅還歸楚客家從茲不能醉只

梅詩

卷四十四

三

二百四十四

恐賣流霞

疊石

十片寒湖滑千秋白浪根蒼蒼古崖色疊疊老  
苔痕欲象巨鼇頂俯當科斗盆唯愁作險說平  
地起崑崙

依韻和宣城張上簿見贈

韓子於文章所貴不昭昭彼古今人同心不  
同貌吉從志久慕亦以重名教鳴鍾與享鼎易  
厭非苦樂祿仕不及親揚名可爲孝君方佐大

邑美錦同翦鉸遂令吾鄉民綢直無曲撓旣暇  
乃作詩欲與前人較朝來忽有贈捧若管窺豹  
又如捕鯨魚空自持網罩心降醉且睡昏昏不  
知覺

送吳正仲婺倅歸梅谿待闕

山水東陽去未去朋親舊雪朝復朝更無越相  
逃名舸猶看吳王送女潮海燕歸齊聲滿屋谿  
梅開過子生條明年十月吏迎處七里灘前棹  
奏簫

梅詩

卷四十四

四

四

二百五十一

再送正仲

擬君杜鵑花發當杜鵑時朱袍照白日光彩生  
路岐自比青鼠瓜中心如亂絲絲亂復不理况  
復遠別離傾觴恨不深立馬恨不遲千山從此  
隔三歲或前期爾後各寄書空識滿紙辭非如  
笑言樂但有牽懷悲念昔蘇與李徘徊問何之

鐵獺

新買小馬也

朝乘鐵獺上青山最滑春苔亂石間出入白雲  
勝蠟屐玉驄雖貴未應閑

送回上人

因往湖州  
謁吳正仲

雲出任西東飄然意莫窮山川生眼界中  
爲徧區中去去曾無着勞勞本是空  
梅谿人可見重爾似泓公

送徐絳秘校罷涇尉而歸

去年茶熟君得補今來茶熟君已去  
心曾不計茶有無隼在高風自騰翥  
昨日我送吳侯歸未忍重臨離別處  
不若羣公憐襴衡相逐縱橫唯柳絮

梅詩

卷四十四

五

志來上人寄示醑醑花并壓磚茶有感

京都三月醑醑開高架交垂自爲洞  
素葉層層紫葢香釀歸光祿春生甕  
東陌西池走鈿車芳林廣囿飛朱鞞  
二年不到大梁城江邊淚滴肝腸痛  
况玆齒髮漸衰老已是憂愁不如衆  
宣城北寺來上人獨有一叢盤嫩羹  
去歲遊吳求不得今朝還喜自持送  
眼底雖同往日看樽前所得憶皆成  
夢又置新茶采雨前烏鶩壓磚雲色  
弄對花却酒煮香泉強詠才慙非白鳳

聞鶯

最好聲音最好聽似調歌舌更叮嚀高枝拋過  
低枝立金羽脩眉墨染翎

杜鵑

蜀帝何年魄千春化杜鵑不如歸去語亦自古  
來傳月樹啼方急山房客未眠還將口中血滴  
向野花鮮

依韻和李察推留別

我學猶肥腴一食輒易馱君何以名虛每來車

梅詩

卷四十四

六

三十四

馬淹經術素所淺道義安得漸獨有寒苦吟可  
與前古兼今者抱悲哀憔悴居窮閭愁鳴無好  
音亟別空顧瞻詩言留彼美欲和慙無鹽短兵  
當長戈焉得不盡殲又如握枯蒿逆風乘烈炎  
膏盲非自療誰復望針砭

送李節推挈內歸寧池陽并李察推往

南康軍嫁妹二君同行

江上雙畫舸風帆或先後晚共泊蘆洲欣同暮

中友一過長風沙一住貴池口當時驄馬客今

是憑熊守每憐諸女賢與婿來爲壽上去至南  
唐嫁妹事箕箒不畏揚濶險不爲廬峰秀二君  
情義著我送何須酒

新開墳路

古徑約城斜鋤荒可過車直穿深篠去不比繞  
村賒伐樹侵籬脚裨塍掘澗沙欲爲蘭若處松  
栢屬吾家

送鄒秀才游浙

鞍傍帶劔魚皮鞞馬後攜童越葛衫度水緣山  
君底急區區爲答古千巖

梅詩

卷四十四

七方

二百六

四月三日張十遺牡丹二朶

已過穀雨十六日猶見牡丹開淺紅曾不爭先  
及春早能陪芍藥到薰風

依韻和唐彥猷華亭十詠

顧亭林

顧亭林湖在東南三十五里湖  
南又有顧亭林傳是顧野王居

鄉林空林木不見古人居猶尋古人跡更與古  
人踈昔爲賢豪里今作魑魅墟湖邊夜夜月光

彩波上餘



寒穴 金山有寒穴  
出泉甘清

山頭寒泉穴淨若鏡面平熨齒敲冰冷貯餅微  
玉聲傍有野鹿跡上啼林鳥清何由一往挹况  
復方病醒

吳王獵場 在華亭谷東今  
其地爲桑陸

孫氏有吳國四海未息戈獵以耀威武平野萬  
騎羅英雄魏與荀貌虎一何多世事異莫究但  
見桑麻坡

柘湖 在南七十里吳越春秋海鹽縣淪  
沒爲柘湖吳地記秦時有女子入

梅詩

卷四十四

八一方

二百六

湖爲神今  
存其祠

柘土久陷沒千歲嗟水濱不復吳鹽邑空有秦  
女神浩蕩吞海日曠闊迷天津扁舟誰能往且  
暮逢漁人

秦始皇馳道 在崑山南四里  
有大通吳成

秦帝觀滄海勞人何得脩石橋虹霓斷馳道鹿  
麋遊車轍久已沒馬迹亦無留驪山寶衣盡萬  
古空冢丘

陸瑁養魚池 在縣西今名瑁湖  
云陸瑁所居也

來觀瑁湖水乃是陸生居春塘草幾變誰膾此  
中魚莫容科斗應亦有魯王餘不隨蛟龍飛神  
鼈未可除

華亭谷

在縣紫紆三  
百里入松江

斷岸三百里縈帶松江流深非桃花源自有漁  
者舟閒意見水鳥旨共泛觥籌何當騎鯨魚一  
去幾千秋

陸機宅

華亭谷水東有崑山卽其宅機  
詩云鬢髯谷陽水卷戀崑山陰

我思陸平原廢宅荒草深才高乃速禍事往不

梅詩

卷四十四

九

可箴饑鳥噪樹顛野鼠窟庭陰黃耳亦已死家  
書無復尋

崑山

華亭谷東一里有崑山陸機祖葬  
而生機雲人以崑山出玉以擬其

美  
焉

陸氏幾世祖葬此生令名猶如產美璞遂爾傳  
嘉聲寒巖畜奇秀源水口東傾何言千載間二  
子不更生

三女岡

在東南八十里云是  
吳王葬女爲三岡

吳王葬三女因留此岡名已化被粲質合有蘭

蕙生姬娟夜月照  
暍朝霧平古寬如未泯不  
遠關開城

李獻甫於南海  
魏侍郎得椰子見遺

魏公番禺歸逢子  
燕江口贈以越王頭  
還同月支首割解為  
飲器津漿若美酒我  
獨愧先生饌致崇師  
友應知愈饑渴况是  
懷思久

齊民要術云其俗為

之種  
于頭

時魚

四月時魚連浪花  
漁舟出沒浪為家  
甘肥不入

梅

卷四十五

十一

三

墨師口一把銅錢趁漿牙

烏賊魚黃馬二

海若有醜魚

有烏賊腹膏為飯囊  
高昌貯

飲墨出及上下波  
馱飲吳越食爛腸  
夾雕蚶隨

貢入中國中國捨  
肥羊啗此亦不惑

依韻和行之  
枇杷予送紅梅與之

五月枇杷黃似橘  
誰思荔枝同此時  
嘉名已著

上林賦却恨紅梅  
未有詩

送紅梅行之有詩  
依其韻和

綴綴紅梅肥似蠟濛濛飛雨灑如脂吳郎齒軟  
食不得翻憶張公大谷梨

送王宗望罷宣城尉歸京

南土梅已黃北人舟競發去意方若渴望林殊  
未歇言歸向梁宋獨歎滯楚越行聞拜卿屬恩  
下蒼龍闕

寄題南陵息苧菴

竹裏有清館池中多藕花日光穿岸脚水影射  
簷牙柱穴蜂歸響爐檀火過窠已知民訟息灑  
酒費巾紗

梅詩

卷四四

十一

五百五

讀問月

我讀李白問月詩乃知白也心太癡明月在上  
爾在下月行豈獨君相隨白兔搗藥亦何療婦  
娥孤棲欲嫁誰古人今人被磨滅休問有來都  
幾時唯有長照金樽裏此言萬世不可移但能  
自醉月自落夜夜如此誰復疑一月二十二三  
日半是風雨相乖離常願晴明對以飲耳邊流

水勝鳴絲

五月十日雨中飲

梅天下梅雨綏綏如亂絲  
梅生獨抱愁四顧無  
與期妻孥解我意  
草草陳酒卮檻外百竿竹  
新筍高過之竹色入我酒  
變作青瑠璃一飲眼目  
光再飲言語遲三飲頽然  
兀左右歎我衰有鳥  
從東來引頭闖深枝發聲  
醒我醉提壺美無疑  
典衣不直錢唯是布與絺  
安得如古人車傍挂  
鴟夷

次韻和吳季野游山寺登望文春山

山屬

梅詩

卷四十四

十二

五五明

城宣

楚客好山水五月上高峰  
峰頂望文春草樹皆有容  
身既近猿鳥心欲追喬松  
石壁出雲背蒼磴千萬重  
下視霹靂飛忽起枯株龍  
却還僧居宿暮踐樵子蹤  
作詩留粉牆削藁爲我封  
美璞世未識獨令和氏逢

宛陵先生集卷第四十四

